

Broj: 10-11/5-767-7/26
Sarajevo, 05.06.2026. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), na prijedlog stalne Komisije za provođenje postupaka javnih nabavki roba i usluga za 2026. godinu za potrebe Federalnog ministarstva poljoprivrede, vodoprivrede i šumarstva, imenovane Rješenjem, broj: 11-1-04/3-417/26 od 10.03.2026. godine, federalni ministar poljoprivrede, vodoprivrede i šumarstva **donosi**

ODLUKU
o poništenju postupka javne nabavke roba –
Nabavka motornog vozila

I

Poništava se postupak javne nabavke roba – Nabavka motornog vozila za potrebe Federalnog ministarstva poljoprivrede, vodoprivrede i šumarstva, evidencijski broj nabavke: 10-11/5-767-1/26, broj Obavještenja o nabavci sa portala javnih nabavki: 855-7-1-4-3-7/26 od 19.05.2026. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 36/26, s obzirom da je ponuda ponuđača GUMA M d.o.o. Mostar ocijenjena kao neprihvatljiva i nepravilna.

II

Odluka stupa na snagu danom donošenja i objavit će se na web stranici Federalnog ministarstva poljoprivrede, vodoprivrede i šumarstva, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču, koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 10-11/5-767/26 od 11.05.2026. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosila je 42.735,00 KM bez PDV-a i predviđena je Planom javnih nabavki za 2026. godinu Ministarstva, dio Robe, pod rednim brojem 6. – Nabavka motornog vozila. Obavijest o nabavci, broj: 855-7-1-4-3-7/26 poslana je na objavu 19.05.2026. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavijesti o nabavci objavljen je u „Službenom glasniku BiH – Oglasnik javne nabavke“, broj: 36/26. Tendersku dokumentaciju preuzelo je 11 privrednih subjekata, a 1 ponuđač je dostavio ponudu u predmetnom postupku nabavke. Ponuda je dostavljena blagovremeno od strane ponuđača GUMA M d.o.o. Mostar.

Stalna Komisija za provođenje postupaka javnih nabavki roba i usluga za 2026. godinu za potrebe Federalnog ministarstva poljoprivrede, vodoprivrede i šumarstva, imenovana Rješenjem, broj: 11-1-04/3-417/26 od 10.03.2026. godine, izvršila je pregled i evaluaciju pristigle ponude, te konstatovala da je ponuda ponuđača GUMA M d.o.o. Mostar neprihvatljiva i nepravilna.

Ponuda ponuđača GUMA M d.o.o. Mostar, sa registriranim sjedištem u Mostaru, ID broj: 4227111640008, ocijenjena je neprihvatljivom i nepravilnom iz sljedećih razloga:

- U Tenderskoj dokumentaciji, Poglavlje III UVJETI ZA KVALIFIKACIJU, tačka 12.2. podtačka c., između ostalog, propisano je: „u svrhu dokazivanja ispunjavanja uvjeta iz tačke 12.1. podtačka f) u pogledu ekonomske i finansijske sposobnosti ponuđač je dužan dostaviti: - Potvrdu poslovne banke o solventnosti ponuđača, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (19.05.2026. godine), transakcijski račun ponuđača nije bio blokiran...”.

* Ponuđač GUMA M d.o.o. Mostar dostavio je Potvrdu broj: 13-6-424-1/2026 od 12.01.2026. godine, izdatu od strane UniCredit Bank d.d., u kojoj je, između ostalog, navedeno da račun društva nije bio blokiran u posljednjih 12 mjeseci. Uvidom u sadržaj Potvrde, konstatovano je da navedeni period ne uključuje datum objavljivanja Obavještenja o nabavci (19.05.2026. godine), kako je traženo Tenderskom dokumentacijom.

- U Tenderskoj dokumentaciji, Aneks 8 – obrazac Izjave o podugovaranju, u dijelu Napomena, propisano je sljedeće: „Ponuđač je obavezan u datom Obrascu izjave o podugovaranju – Aneks 8 zaokružiti jednu od ponuđenih opcija, koje se odnose na podugovaranje.“

* Ponuđač GUMA M d.o.o. Mostar nije zaokružio nijednu od ponuđenih opcija, što nije u skladu sa Tenderskom dokumentacijom.

Nakon izvršenog pregleda i evaluacije pristigle ponude, Komisija je dostavila federalnom ministru poljoprivrede, vodoprivrede i šumarstva Zapisnik o pregledu i ocjeni ponuda, broj: 10-11/5-767-6/26 od 04.06.2026. godine zajedno sa Preporukom o poništenju postupka javne nabavke roba – nabavka motornog vozila.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva poljoprivrede, vodoprivrede i šumarstva, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.



Dostaviti:

- GUMA M d.o.o. Mostar
- Komisija za javne nabavke
- Sektor za finansije i računovodstvo
- a/a